

1243

C O D I C E S

1244

II. fol. 125. p. 2. Brevis Nomenclator latino germanicus, jam in litera C. definens. v. g. Actio *de werkende kraft in der materien*. Armonia *Zote Done*. Adherere *tho kleuen*. Atramentum *Zwer-te*. Benignus *mynsam*. Blaeta *ene vledermus*. Coequalis *medeghe-lyk* &c.

III. fol. 130. p. 2. Narratio fabulosa inscripta: *De Morte Ade*. Incipit: *Post ade peccatum et eodem de paradyso expulso propter peccatum* &c. Adam vitae pertaesus mittit filium *Seth* ad *Cherub* custodem *Paradyfi* orans, ut sibi oleum misericordiae a Deo promissum subpeditaretur. *Seth* mirandis multis in *Paradyso* conspectis refert tria grana pomi ex arbore vetita sibi ab Angelo data, sub lingua demortui Parentis ponenda. Confurgunt ex his virgulae tres, videlicet cedrina, cypressina et pinea, symbolum *Triados*. Has decerpit *Moses* prodigia earum ope patraturus. Atque hic Narratio in *Cod.* deficit, legitur vero productior in *Evangelio* dicto *Nicodemi* apud *Fabric. Cod. Apocr. N. T.* a pag. 278. in *אֵלֶּיךָ אֵלֶּיךָ* f. *Revelatore Arcanor.* cujus locum ex epistola *Pauli Chr. Hilscheri* habes apud *cit. Fabric.* in *Cod. Pseudep. V. T.* p. 81. Item graece ex *Cod. Bibl. Augustanae* apud *Gretserum L. I. de Cruce* c. 4. Italice in *Fioreto nouello del Testamento vecchio e nouo* impresso *Taruissii* 1478. et alibi, unde latine conversam *Job. de Pineda* Libro V. *de Rebus Salomonis* c. 14. infe-

ruit. Citant eam praeterea *Nic. de Lira* ad c. V. *Jobannis*, et *Jac. de Voragine* in *Hist. Lombard.* ad diem *Inventionis S. Crucis*. Multum ubique, ut fabellarum mos est, variat, eo tamen tendit, ut ex iis virgis crucem *Christi* tandem enatam disceremus.

IV. fol. 132. p. 2. Summaria *Psalmoreum*, quae incipiunt: *Consideratio processus humani generis quomodo quidam proficiunt ad beatitudinem. quidam vero deficiunt ab ipsa. Psalmus. Beatus vir qui non abiit* &c. Definunt cum *Psalmo* ultimo.

CCCXVIII.

Codex chartaceus lat. Sec. 284 XV. Folior. 214. f. per duas columnas corrente calamo exaratus et olim *Monasterii B. V. M. Scotorum Viennae* continet I. praemisso *Indice D. Thomae Aquinatis Quodlibeta XII.* quorum Primum incipit: *Quaesitum est de deo angelis et homine* &c. Leguntur haec *Quodlibeta*, Scholasticis olim ex eo dicta, quod materiam propositam in *quamlibet* partem versarent, qua in re ingeniis saepe nimium indulgebatur, in edit. *Opp. Thomae Romae* 1570. T. VIII. f. postquam jam Sec. XV. plus vice simplici typis excusa fuissent. Ad calcem adjacent quaedam ex L. II. et IV. *Revelat. Birgittae*.

II. fol. 147. Incipit *quodlibet fratris Richardi de media villa triplex*. Initium primi: *In mea generali disputatione de quolibet quaedam*

1245

## D O G M A T I C I.

1246

*dam fuerunt quesita de deo et quaedam de cristo &c.* Subnexus est *Index*, qui omnium trium *Quaestiones* exhibet. Sodalis hic *Franciscanus Anglus de Middleton* Sec. XIII. *Academias Oxoniensem et Parisinam* multum illustravit, ut tradunt *Waddingus, Fabricius, Tannerus*, alii, qui ejus *Scripta* recensent. Inter haec *Quodlibeta* nostra lucem videre *Venetis* prelo *Laz. Soardi* 1509. f. quibuscum collatum exemplar nostrum integrum est; non enim *Quodlibeta* LXXX. sunt, ut habet *Fabricius*, qui *Quaestiones* dicere debebat, nam re ipsa *Quodlibeta* tria in 80. *Quaestiones* abeunt. Illud addo: in edit. *Veneta* pro *de cristo* ut supra, legi *de Creaturis*. Neutrum male; nam et de *Christo* et de *Creaturis* in I. *Quodlibeto* agitur.

III. fol. 213. Anonymi disputatio: *Vtrum futura sint realiter presentia eternitati.*

CCCXIX.

310 Codex membraneus lat. Sec. XIV. Folior. 119. f. per duas columnas fat eleganter scriptus et coloribus distinctus hoc titulo miniato gaudet: *Incipit compendium legis christi. et canonis sacri super quartum sententiarum editum a Magistro Johanne de Barchone ordinis fratrum beate Marie de monte Carmeli. In quo pertractantur quaestiones Theologice defendentes per uetus et nouum testamentum fidem christianam. et*

*canonice. tam veteris quam noui iuris pertinentes ad conscientiam. Et ut per omnia fides et mores caritatis proferantur. protestor me tenere quidquid sacrosancta Romana ecclesia credit. tenet. docet et predicat. et quecunque hic dicam. vel usque ad extremum vite exitum. vel alibi dixerim sub quacunque forma verborum. correctioni et iudicio sacrosancte romane ecclesie suppono. et si quod absit aliqua ex hijs. non conuenirent fidei catholice aut bonis moribus illa omnia et singula reprobare et reuocare hic expresse.* Opus totum diuisum est in *Quaestiones*, quarum prima sic inchoat: *Circa prologum quarti sententiarum quero istam quaestionem. Utrum ex scripturis veteris testamenti et sensibus earundem scripturarum certum sit christum iam uenisse &c.* Ad calcem subtextitur geminus *Index Quaestionum*, et *Rerum*, et hic quidem ex ordine Alphabeti. Priori subscriptum est: *Explicit tabula quaestionum super quartum scripti de lege christi ewangelica et de lege ecclesie canonica Fratris Iohannis Bacon ordinis beate Marie de Monte Carmeli. doctoris in Theologia.* Unde noto, *Tritheimium* non ita errasse Autorem *Baconem* adpellando, ut uult *Tannerus* in *Bibl. Brit. Hib. p. 59.* qui eum *Baconthorpium* a pago patrio *Norfolciae* dicendum contendit. Annum ejus emortualem statuit idem *Londini* 1346. postquam in *Academia Parisina* titulo *Doctoris Resoluti* claruisset, et *Ordini suo* in *Anglia* praefuisset.

Lelan-

C 3